

Winter

Simmer is lowered her pritty white sail
And poeed up her boat i da tapmist noost.
Cauld winter is cairded his oo ower da sky
And doon i da shörmal da waar lies laek roost.
Ower da rigs every cliv-mett wi watter staunds foo,
Aa snippered an broon widdered dockins look on.
Da pritty white sail o simmer is doon
An shö's laid by her boat till da winter is done.

Stewart Smith

<i>cairded his oo</i>	<i>carded his wool</i>
<i>shörmal</i>	<i>beach below tideline</i>
<i>waar</i>	<i>seaweed</i>
<i>cliv-mett</i>	<i>hoofprint</i>
<i>snippered</i>	<i>wrinkled</i>
<i>widdered</i>	<i>withered</i>